


戒為無上菩提本
應當一心持淨戒

受八關齋戒儀規

釋廣化敬題



受八關齋戒儀軌

壹、請師

請師如常儀，拈香禮佛陞座畢，引禮呼上香，復位。引禮師云：

善男子（女人）等，聞磬聲至誠作禮三

拜，問訊長跪合掌，今爲汝恭請某和尚爲汝作八戒阿闍黎。請師之語，汝合自陳，恐汝未能，我今教汝，稱自己名（各稱某甲法名），其餘言詞，隨我所道：大德一心念，我弟子○○○，今請大德爲八戒阿闍黎，願大德爲我作八戒阿闍

黎，我依大德故，得受清淨戒，（大）

慈憫故。（三說三拜）

貳、授戒

一、發願

歸命一切佛，惟願一切佛菩薩衆，攝受
於我。（一說一拜）

我今歸命勝菩提

最上清淨佛法衆

我發廣大菩提心

自他利益皆成就

懺除一切不善業

隨喜無邊衆福蘊

先當不食一日中

後修八種長養法

(三說三拜)

二、懺悔

我弟子○○○若身業不善、口業不善、意業不善；貪欲、瞋恚、愚癡故。若今世、若前世，有如是罪今日誠心懺悔，身清淨、口清淨、心清淨，受行八戒，是則布薩。（三說三拜）

三、三皈（得戒體）

我弟子○○○，惟願阿闍黎，攝受於我。
我從今時，發淨信心，乃至坐菩提場，
成等正覺。

誓歸依佛，兩足勝尊；

誓歸依法，離欲勝尊；

誓歸依僧，調伏勝尊；

如是三寶是所歸趣。（三說三拜）

四、明戒相

如諸佛盡形壽不殺生，我弟子○○○一日
一夜不殺生，亦如是。

如諸佛盡形壽不盜，我弟子○○○一日一
夜不盜，亦如是。

如諸佛盡形壽不淫，我弟子○○○一日一
夜不淫，亦如是。

如諸佛盡形壽不妄語，我弟子○○○一日
一夜不妄語，亦如是。

如諸佛盡形壽不飲酒，我弟子○○○一日
一夜不飲酒，亦如是。

如諸佛盡形壽不坐高廣大床，我弟子○
○一日一夜不坐高廣大床，亦如是。
如諸佛盡形壽不著花瓔珞、不香塗身、
不著香薰衣，我弟子○○一日一夜不著
花瓔珞、不香塗身、不著香薰衣，亦如
是。

如諸佛盡形壽不自歌舞作樂、亦不往觀聽，我弟子○○○一日一夜不自歌舞作樂、亦不往觀聽，亦如是。

已受八戒。如諸佛盡形壽不過中食，我弟子○○○一日一夜不過中食，亦如是。

我弟子○○○受行八戒，隨學諸佛法，是

名布薩。(三說三拜)

五、回向

我持戒行，莊嚴其心，令心喜悅。廣修一切相應勝行，求成佛果，究竟圓滿。

(一說一拜)

我發無二最上心 爲諸衆生不請友

勝菩提行善所行 成佛世間廣利益

願我乘是善業故 此世不久成正覺

說法饒益於世間 解脫衆生三有苦

(三說三拜)

【註】

此儀軌依《大智度論》及《八種長
養功德經所錄·在家律要廣集卷四》
云：「諸經論中，具有八關齋法。蓋
以一往判釋，則五戒乃人天因。此

一日夜戒齋，方為出世因也。故無論已受五戒、未受五戒、已至受菩薩優婆塞戒者，皆可隨意受持。或六齋日、或生日、諱日、或作諸功德日等，並應發心秉受。」

過午之後（十二時以後）凡丸散膏丹一切藥品、紅糖、白糖、冰糖、米糖、麥糖、蜂蜜、汽水、果汁（濾清無渣）、茶水、薑湯、鹽水均可飲用。但豆漿、牛奶、糕餅麵類食

品，則律中不許飲用，食則違犯。

又居處附近無僧伽，可於佛前依此作法自受之。

【附言】

經云：

受持八關齋戒，除五逆罪，其他諸罪，悉皆消滅。

受持八關齋戒，更修定慧，得證四果阿羅漢。

受持八關齋戒，念佛發願往生極樂

世界，得中品中生乃至上品上生。

受持八關齋戒，為修定慧故。又能懺罪、消災、增福、增慧故。

六齋日：每日初八、十四、十五、廿三、廿九、三十、逢此六齋日、

應於一晝夜中受持八關齋戒，所得
福德勝過餘日。